



Regionalni centar Mostar

Broj:02/6-1/III-16-D- 1- 663-2/10
Mostar, 12.04.2010.godine

Na osnovu člana 66. Zakona o porezu na dodatu vrijednost („Službeni glasnik BiH, broj:9/05, 35/05 i 100/08) i člana 127. Pravilnika o primjeni Zakona o porezu na dodanu vrijednost („Službeni glasnik BiH broj:93/05, 21/06, 60/06, 6/07,100/07 i 35/08) kao i člana 8. Instrukcije o postupku uvođenja posebne šeme dužnika („Službeni glasnik BiH“, broj:35/08) šef Grupe za prinudnu naplatu donosi sljedeće:

R J E Š E N J E

1. UVODI SE POSEBNA ŠEMA DUŽNIKA MIJA d.o.o. adresa/ sjedište firme: Industrijska zona bb, Čitluk, odgovorna osoba: Zoran Stojić, ID broj: 4227002940000, PDV broj: 227002940000 za dug po osnovu poreza na dodatu vrijednost u iznosu od 224.909,53 KM.

2. Poreski obaveznik je dužan da u svoje fakture za isporuke licima koja su registrovana za PDV unosi sljedeću klauzulu:“Iznos PDV-a naveden u ovoj fakturi se plaća Upravi sa pozivom na identifikacioni broj: 272167900008“.

3. Lice registrovano za PDV koje kupuje dobra i usluge od isporučioaca MIJA d.o.o., Industrijska zona bb, Čitluk, plaća iznos PDV-a direktno Upravi.

4. Iznosi PDV-a zadržani tokom poreskog perioda, plaćaju se do 5. u mjesecu za prethodni poreski period.

U istom roku poreski obaveznik kupac je dužan dostaviti Upravi za indirektno oporezivanje listu sa podacima za prethodni poreski period za poreskog obveznika dužnika prema kojem je rješenjem uvedena posebna šema, lista treba da sadrži sljedeće:

- iznos zadržanog PDV-a
- identifikacioni broj isporučioaca dobara ili usluga
- identifikacioni broj primaoca dobara ili usluga koji je zadržao iznos PDV-a.

5. Posebna šema se primjenjuje od dana objave u „Službenom glasniku BiH“.

6. Dužnik nad kojim se uvodi posebna šema MIJA d.o.o., Industrijska zona bb, Čitluk, obavezan je da rješenje kojim se utvrđuje obaveza plaćanja po posebnoj šemi istakne u poslovnim prostorijama na vidno mjesto zajedno sa uvjerenjem o registraciji za PDV.

7. Žalba ne odlaže izvršenje rješenja.

8. Ovo rješenje će biti objavljeno u Službenom glasniku BiH i dnevnim novinama.

O B R A Z L O Ž E N J E

Grupa za prinudnu naplatu RC Mostar po službenoj dužnosti, a na osnovu činjenica utvrđenih u postupku prinudne naplate i stanja duga na kartici poreskog obveznika – dužnika **Mija d.o.o., Industrijska zona bb, Čitluk**, započela je postupak uvođenja dužnika u posebnu šemu radi obezbjeđenja naplate duga po osnovu poreza na dodanu vrijednost evidentiranog u programu ALICE u iznosu od 224.909,53 KMod čega iznos od 167.535,53 KM odnosi se na glavni dug, a iznos od 57.374,00 KM odnosi se na zatezne kamate.

U postupku prinudne naplate poreza na dodanu vrijednost, za svaki poreski period za koje je podnesena prijava samooporezivanja, a ista nije izmirena, kao ni kontrolom utvrđen dodatni razrez obaveze, u skladu sa članom 39. Zakona o porezu na dodanu vrijednost, dužniku je izdat nalog za prinudnu naplatu na osnovu izvještaja o dugu. Shodno navedenom, a temeljem odredbe člana 45. Pravilnika o provedbi Zakona o

postupku prinudne naplate indirektnih poreza („Službeni glasnik BiH“, broj:21/06) dana 16.08.2007. godine izdat je Nalog za pljenidbu cjelokupne postojeće i buduće imovine dužnika.

Saglasno odredbi člana 13. Zakona o postupku prinudne naplate indirektnih poreza u BiH („Službeni glasnik BiH“, broj: 89/05) nije bilo moguće vršiti pljenidbe novčanih sredstava dužnika na blagajni, a svi bankovni računi su blokirani. Imovina dužnika se nalazi pod hipotekama Banaka.

Kako dužnik više nema imovine čijom pljenidbom bi se mogao namiriti dug, a nastavio je poslovanjem usljed kojeg se dug kontinuirani povećava, isti nepoduzima mjere u cilju izmirenja duga, stekli su se uslovi da Grupa za prinudnu naplatu saglasno odredbama člana 66. stav. 3 Zakona o porezu na dodanu vrijednost i člana 127. stav 1. Pravilnika o primjeni Zakona o porezu na dodanu vrijednost započne postupak uvođenja posebne šeme dužnika MIJA d.o.o., Industrijska zona bb, Čitluk.

Na dan donošenja ovog rješenja utvrđen je iznos duga od 224.909,53 KM, a koji je utvrđen na osnovu izdatih naloga za prinudnu naplatu prema sljedećoj tabeli (struktura i period iz kojeg potiče):

| R.broj | Period duga | Broj naloga za prinudnu naplatu | glavni dug | Kamata | Ukupan iznos duga/KM po periodima |
|--------|-------------|---------------------------------|------------|-----------|-----------------------------------|
| 1 | 804 | 02/5-1/III-16-D-1-2075/08 | 20.894,00 | 8.788,00 | 29.682,00 |
| 2 | 0910 | 02/6-1/III-16-D-1-5758/09 | 16.617,00 | 1.515,00 | 18.132,00 |
| 3 | 0812 | 02/6-1/III-16-D-1-485/09 | 15.420,00 | 4.219,00 | 19.639,00 |
| 4 | 0711 | 02/5-1/III-16-D-1-7047/07 | 12.271,00 | 6.280,00 | 18.551,00 |
| 5 | 0802 | 02/5-1/III-16-D-1-1218/08 | 11.089,00 | 5.070,00 | 16.159,00 |
| 6 | 0708 | 02/5-1/III-16-D-1-5774/07 | 10.582,63 | 11.090,00 | 21.672,63 |
| 7 | 0904 | 02/6-1/III-16-D-1-2556/09 | 10.352,00 | 2.081,00 | 12.433,00 |
| 8 | 0902 | 02/6-1/III-16-D-1-1371/09 | 8.721,00 | 2.077,00 | 10.798,00 |
| 9 | 0905 | 02/6-1/III-16-D-1-3092/09 | 7.594,00 | 1.390,00 | 8.984,00 |
| 10 | 0912 | 02/6-1/III-16-D-1-128/10 | 7.062,00 | 381,00 | 7.443,00 |
| 11 | 0805 | 02/5-1/III-16-D-1-2590/07 | 6.188,00 | 2.488,00 | 8.676,00 |
| 12 | 0906 | 02/6-1/III-16-D-1-3915/09 | 6.050,00 | 998,00 | 7.048,00 |
| 13 | 0709 | 02/5-1/III-16-D-1-5978/07 | 5.491,00 | 3.011,00 | 8.502,00 |
| 14 | 0809 | 02/5-1/III-16-D-1-4306/08 | 4.599,00 | 1.512,00 | 6.111,00 |
| 15 | 0812 | 02/6-1/III-16-D-1-485/09 | 4.350,00 | 1.190,00 | 5.540,00 |
| 16 | 0807 | 02/5-1/III-16-D-1-3519/08 | 4.205,00 | 1.534,00 | 5.739,00 |
| 17 | 0811 | 02/5-1/III-16-D-1-5697/08 | 3.048,00 | 891,00 | 3.939,00 |
| 18 | 0808 | 02/5-1/III-16-D-1-3819/08 | 2.557,00 | 887,00 | 3.444,00 |
| 19 | 0908 | 02/6-1/III-16-D-1-4597/09 | 1.783,00 | 228,00 | 2.011,00 |
| 20 | 0903 | 02/6-1/III-16-D-1-1979/09 | 1.663,00 | 365,00 | 2.028,00 |
| 21 | 0909 | 02/6-1/III-16-D-1-5161/09 | 1.518,00 | 167,00 | 1.685,00 |
| 22 | 1002 | 02/6-1/III-16-D-1-1298/10 | 1.234,00 | 24,00 | 1.258,00 |
| 23 | 0907 | 02/6-1/III-16-D-1-4523/09 | 935,00 | 137,00 | 1.072,00 |
| 24 | 0910 | 02/6-1/III-16-D-1-722/10 | 799,00 | 73,00 | 872,00 |
| 25 | 1001 | 02/6-1/III-16-D-1-770/10 | 779,00 | 28,00 | 807,00 |
| 26 | 0801 | 02/5-1/III-16-D-1-799/08 | 679,00 | 322,00 | 1.001,00 |
| 27 | 0706 | 02/6-1/III-16-D-1-629/10 | 406,90 | 345,00 | 751,90 |

| | | | | | |
|----------------------------------|------|---------------------------|-------------------|------------------|-------------------|
| 28 | 0801 | 02/6-1/III-16-D-1-652/10 | 227,00 | 108,00 | 335,00 |
| 29 | 0806 | 02/6-1/III-16-D-1-674/10 | 196,00 | 75,00 | 271,00 |
| 30 | 0803 | 02/6-1/III-16-D-1-66310 | 115,00 | 50,00 | 165,00 |
| 31 | 0802 | 02/5-1/III-16-D-1-1218/08 | 110,00 | 50,00 | 160,00 |
| UKUPAN IZNOS DUGA | | | 167.535,53 | 57.374,00 | 224.909,53 |

Dana 10.02.2010. godine Šef Grupe za prinudnu naplatu obratio se aktom u formi inicijative za uvođenje posebne šeme dužnika, Grupi za reviziju i kontrolu, u kojem se poziva na član 3. Instrukcije o postupku uvođenja posebne šeme dužnika („Službeni glasnik BiH“, broj:35/08) analizom dugovanja poreskog obveznika – dužnika MIJA d.o.o., Industrijska zona bb, Čitluk, a prema pokazateljima iz PDV prijava, potrebno je izvršiti inspeksijsku kontrolu s ciljem utvrđivanja opravdanosti uvođenja posebne šeme dužnika. Šefica Grupa za reviziju i kontrolu izdala je nalog za kontrolu broj:04/5-3/III-17-D-3-116-1/10 dana 23.02.2010. godine na temelju saglasnosti za pokretanje kontrole od Šefice Odsjeka za reviziju i kontrolu.

Na temelju izdatog naloga inspektori Grupe za reviziju i kontrolu sačinili su zapisnik o kontroli sa aspekta procjene sljedećih kategorija:

- bilans stanja;
- bilans uspjeha;
- izvještaj o novčanim tokovima.

U toku provođenja postupka prinudne naplate prema članu 13. Zakona o postupku prinudne naplate dana 10.03.2010. godine od Grupe za reviziju i kontrolu zaprimili smo zapisnik o izvršenoj kontroli broj:04/5-2/III-17-D-3-116-2/10 od 04.03.2010. godine; iz kojeg je Grupa za prinudnu naplatu izvela zaključak o opravdanosti uvođenja posebne šeme dužnika.

Prema izvršenom uvidu u bilans stanja i uspjeha utvrđeno sljedeće:

- I. Novčani primici iz poslovnih aktivnosti - 3.321.873,00 KM
- 1. Primici od prodaje i primljeni predujmovi – 3.321.873,00 KM
- Osnovna sredstva i oprema na dan 31.12.2009. godine imaju vrijednost: 8.029.216,00 KM

U momentu vršenja kontrole porezni obveznik je imao zaključene ugovore o poslovnoj saradnji (ugovor o prodaji robe) sa više kupaca kao KONZUM d.o.o. Sarajevo; VIOLETA d.o.o. Tomislavgrad; LI - PEK d.o.o. Livno; PODRAVKA d.o.o. Sarajevo. Uz navedene kupce porezni obveznik posjeduje i četiri maloprodajna objekta što znači da ima zagarantovan plasman svojih proizvoda. Napominjemo da se iz navedenih ugovora ne može utvrditi vrijednost mogućih isporuka dobara.

Ova odluka temelji se na instrukciji o postupku uvođenja posebne šeme dužnika („Službeni glasnik BiH, broj:35/08).

Članom 66. stav 3. Zakona o porezu na dodatu vrijednost propisana je mogućnost da UINO naloži za određene registrovane poreske obveznike koji su u dugu – dužnike da se PDV na isporuke registrovanim obveznicima PDV-a plati od strane primaoca isporuke.

Ovakav način plaćanja podrazumjeva uvođenje posebne šeme dužnika koja se primjenjuje u ovom slučaju na obveznika MIJA d.o.o., Industrijska zona bb, Čitluk, iz razloga što je u pitanju značajan iznos poreskih prihoda, te bih se uvođenjem posebne šeme izbjeglo dodatno akumuliranje duga, kao i efikasnija naplata već dospjelog duga.

Uvidom u činjenice dostavljene kontrolom obveznika smatra se opravdanim i ekonomičnim postupak uvođenja posebne šeme dužnika radi zaštite potraživanja u iznosu 224.909,53 KM po gore navedenim pokazateljima iz bilansa stanja i uspjeha.

Na osnovu utvrđenih činjenica saglasno odredbama člana 6. stav 1. a primjenom člana 8. stav 1. Instrukcije o postupku uvođenja posebne šeme dužnika, Grupa za prinudnu naplatu je dana 10.03.2010. godine dostavila dužniku **MIJA d.o.o., Industrijska zona bb, Čitluk, pismo namjere**, protokolirano brojem:02/6-1/III-16-D-1-663-1/10 u kojem ga obavještava o iznosu duga i namjeri uvođenja posebne šeme u roku od 30 dana ako dužnik ne izmiri dug ili ne obezbjedi adekvatnu garanciju za plaćanje duga. U pismu namjere dužniku ukazano na obaveze koje mu se stavljaju na teret uvođenjem u postupak posebne šeme.

Kako obveznik u ostavljenom roku se nije oglasio bilo uplatom ili obavještenjem o mogućnosti obezbjeđenja adekvatne garancije, a dug je samo uvećan u proteklih 30 dana odlučeno je da se na ovog obveznika primjeni posebna šema radi obezbjeđenja naplate.

Pri donošenju odluke o uvođenju posebne šeme dužnika Grupa je odlučnim cijenila sljedeće činjenice: iznos duga koji se neprekidno povećava, iznose kredita i obaveze dužnika prema Bankama, rizik naplate poreza na dodanu vrijednost iz imovine dužnika jer su na imovini registrovane hipoteke, a naročito historijat ponašanja poreskog obveznika u protekle 4 godine, kao i općim ekonomskim izgledom poreskog obveznika u budućnosti.

Primalac isporuke – kupac plaća iznos PDV-a direktno Upravi i to do 5. u mjesecu za prethodni poreski period gdje u polju „broj poreskog obveznika“ unosi PDV broj Mija d.o.o. Čitluk i to: 227002940000.

Odredbom člana 66. Zakona o porezu na dodatu vrijednost propisano je da se odluka o uvođenju posebne šeme ne može primjeniti na bilo kog primaoca isporuke – kupca prije njenog objavljivanja u Službenom glasniku BiH.

Shodno odredbama člana 128. stav 4. Pravilnika o primjeni Zakona o porezu na dodanu vrijednost, ovo rješenje će biti objavljeno u „Službenom glasniku BiH“ i u dnevnim novinama, a isto je poreski obveznik – dužnik obavezan istaći u poslovnim prostorijama na vidno mjesto zajedno sa uvjerenjem o registraciji za PDV.

Odredbom člana 137. stav 1. Zakona o postupku indirektnog oporezivanja („Službeni glasnik BiH“, broj: 89/05), žalba ne odlaže izvršenje rješenja.

Pouka o pranom lijeku:

Protiv ovog rješenja može se uložiti žalba prvostepenom organu u roku od 15 dana od dana prijema rješenja, neposredno ili poštom, taksirana sa 10 KM administrativne takse u skladu sa tarifom Zakona o administrativnim taksama BiH (Službeni glasnik BiH; broj:16/02,19/02,43/04,8/06 i 24/06).

Dostaviti:

1. MIJA d.o.o., Čitluk 1X
2. 2X 3 seta primjeraka u tri jezične varijante na dva pisma (2 seta po tri rješenja u tri jezične varijante i na dva pisma Sektoru za poslovne usluge – Odsjek za prinudnu naplatu za objavu u Službenom glasniku BiH i dnevnim novinama.)
3. Grupa za reviziju i kontrolu 1X
4. Grupa za prinudnu naplatu 1X



Šef Grupe za prinudnu naplatu

Ranko Todorović, dipl.prav.